

被細數多宗罪嘅「Lunch仔」（李國永）日前唔單止被「手足」圍插，更俾睇佢唔順眼嘅「同路人」威脅要打佢。話說佢日前去元朗南邊圍「和你買樓」，終於被三個穿黑衣嘅男女「私了」，被打之後嘅「Lunch仔」就報警處理，令「手足」被拉，而網上嘅聲討之聲更加震耳欲聾。不過，「Lunch仔」就「臨危不懼」，識得栽贓畀「藍絲」，仲話：「一個連記者都打嘅暴徒會係『手足』？」其實，被開又被打，咁都認唔清「黃絲」真面目嘅「Lunch仔」都唔知係扮傻定真傻。

■香港文匯報記者 文根茂

「Lunch仔」日前搞「和你買樓」近尾聲時，喺朗屏西鐵站附近被三名穿黑衣嘅男女尾隨。佢聲稱期間被人言語騷擾，用雨傘扑頭、「篤肚」，而從現場嘅視頻睇，「Lunch仔」不斷高叫對方「偷襲」自己、「好痛」。同行嘅網媒記者亦疑被打傷，頭部腫痛，手指亦都喺阻止對方逃去時受傷流血。

「Lunch仔」對呢啲傷害自己嘅行為，毫不手軟即刻報警，警方事後回覆話，事件中以「襲擊致造成實際身體傷害」拘捕一名15

歲林姓男子。

報警遭「同路人」圍插批過街老鼠

「Lunch仔」報警嘅行為，好快引來「同路人」嘅新一輪圍插。佢哋唔關心佢真係被人打，而係將佢報警拉「手足」當成佢嘅新罪行，狠批佢係過街老鼠，更聲言「差在未打死佢」。不過出名「心態好」嘅「Lunch仔」就喺毫無理據嘅情況下，聲稱係「藍絲」唔夠佢講就搵人打佢同記者，又懷疑施襲者同「7·21事件有關」，暗指並老屈係「藍絲」打人云云，企圖轉移視線。

但喺「同路人」就唔收貨。網民「香港小孩」就鬧佢：「只係使用呢場運動令到自己更出名。佢同佢嘅支持者從支持佢報警捉手足嗰一刻已經再唔係我哋嘅手足，……黃絲唔係唔使認錯咗藉口。」「蛋炒蕃茄」仲埋埋幫佢宣傳嘅「黃媒」：「好多人就咁睇新聞冇上連燈（登）根本唔知條白卡仔做過啲咩嘢×野（嘢），蘋果立場仲係咁幫佢宣傳。」

推諉無效「Lunch仔」鬧返「同路人」

見推諉無效，「Lunch仔」嘅日就鬧返



▲「Lunch仔」日前搞「和你買樓」近尾聲時，喺朗屏西鐵站附近被三名穿黑衣嘅男女尾隨。佢聲稱期間被人言語騷擾襲擊，用雨傘扑頭、「篤肚」。

連登視頻截圖

網上圖片

「同路人」：「將自己嘅意見強行加於別人身上，只要意見同你哋有分歧，就搵人打你私了你，咁做同黑社會有咩分別？」

「強大」嘅「Lunch仔」當然唔會被呢啲



叫人放心話「係（㗎）末（末）來嘅日子就算頂（過）到再多難關都好，我都唔會退縮……繼續做自己認為啱嘅事。」睇嚟又可以買定花生，睇好戲囉。

## 鄭錦滿指控「祖利安」騙財騙色神棍

貴圈真亂

弊傢伙，黃圈有色魔？「熱血公民」副主席鄭錦滿近日喺fb發帖，公開指控網台「MyRadio」前節目主持人、自稱占卜師嘅「祖利安」，涉嫌「騙財騙色」，更已「潛逃至英國保平安」，叫身在英國嘅「手足」要小心呢個人。「祖利安」就發帖反擊，話有關指控係抹黑和誹謗。鄭錦滿就反唇相譏，話「歡迎出律師信告我誹謗」㗎。

據報真名為李子宏的「祖利安」，當年追隨「城邦派」陳云根（陳雲），並被「封」為所謂「護國大法師」。2016年立法會選舉敗選後，黃毓民與陳云根反目，「祖利安」改追隨黃毓民，撰文批評陳雲「修行未夠」。之後，「祖利安」在黃毓民成立的網台MyRadio擔任節目主持。2018年「香港民族黨」被取締後，佢同「港獨」分子陳浩天、周堅峰等在MyRadio一同主持節目「播獨」。

占卜師口碑差 被投訴「冇次準」

有傳媒踢爆，「祖利安」約於2003年開始以所謂「占卜師/心靈治療師Julian Li」的名義，靠塔羅牌占卜謀生，先後在油麻地、長沙灣、觀塘租用工商廈樓上單位開檔，而其口碑極差。有自稱幫襯過佢嘅人喺討論區留言話佢占卜「冇次準」。曾經有人留言問佢「有生之年見唔見到『香港獨立國』……」佢竟然答：「香港『獨立建國』，現在乃最後機會努力。妳問，充其量我只能答妳會否在那時刻來臨犧牲性命。」

鄭錦滿前晚就喺fb發帖，話自己早前協助處理有關「性交轉運」求助個案時，「得悉一名在港騙財騙色的神




■鄭錦滿近日於fb發帖，指控有人「騙財騙色」。

棍，已經潛逃至英國保平安，未知該人會否乘機申請政治庇護，或繼續在香港人圈子搵食。身處英國的各位，請務必格外小心，帶眼識人。」

「熱狗」抽水：係都搵靚仔來食

雖然佢有好明確咁指名道姓，但佢嘅帖中附個張圖，就係一個英文名「Julian」，即係「祖利安」。「熱血公民」主席鄭松泰，亦都轉發咗鄭錦滿嘅帖文，仲話「黃圈真亂」㗎。親「熱狗」嘅fb專頁「霸氣砌機」亦發帖调侃道：「自己小心啦女士們，什麼性交轉運唔係話假既（嘅），不過係都搵返個靚仔來食呀！」

唔少「熱狗」都留言附和。「梁風玲」說：「呢條神棍左竊右竊，由城邦轉投普羅（黃毓民的普羅政治學苑），成日見佢佢件道具和尚袍出嚟，呃人信任，已知佢心術不正



■「祖利安」其後發帖，形容話「真正的抹黑和誹謗現在才開始」。

啦。」[Jack Ngai] 就不點名話：「某條友又真係神棍黎（㗎）嘅……一陣又話幫死到手足做火供，俾力量佢地（哋）報仇……我聽到佢咁講都真係O晒嘴……」

「Sammi Lui」講道：「唉啱唔先睇梗（緊）一個類似嘅事件，條友去到英國繼續消費抗爭嘅搵食，睇嚟幾搵到錢仲做左（咗）英雄咁，真係想嘅！」[Lhamo Wong] 獻計：「將佢資料交俾（畀）英國內政部，直接俾（畀）英國領事館都得！」

不過，「研渡信」就勸鄭錦滿：「我是疑中留疑，但請四眼小心，遠離是非，俾間被拖入誹謗之類的官司就麻煩。」[Faifai Cheung] 就將矛頭指向轉發帖文的鄭松泰：「熱狗泰，你收手啦。幾時放過香港人呀...每日係（㗎）背後做埋d（啲）傷天害理既（嘅）事。係（㗎）境（鏡

頭）前就抽水扮好人。」

「祖利安」反擊：指控抹黑誹謗

「祖利安」其後亦自己發帖，形容話「真正的抹黑和誹謗現在才開始」，仲擺擺黃毓民上枱，話「有些人被毓民一生也看不起，是有原因的」，又話自己早年踢爆過「熱狗」頭目黃洋達同陳秀慧兩夫婦「崇拜魔鬼」，所以自己留下咗牙齒印咁講。

鄭錦滿就反擊，話「雖然前輩（黃毓民）背叛陣營、背叛政綱，但如果有人要將性交轉運此等卑劣下流、騙財騙色的惡行，與黃毓民對提相論，我肯定是反對的！請不要以『前網台節目主持』身份拉黃毓民落水」，仲話「歡迎出律師信告我誹謗」。

身為花生友，梗係睇嚟到有人發律師信啦，咁樣先可以分得出誰是誰非嘛！

■香港文匯報記者 陳川

## 「血燕」消費「手足」強代收生日信兼掠水

貴圈真亂

攞炒派食人血饅頭其實都唔算咩新聞啦，有人喺TG群組「香港前線後援行動」近日就發帖批評「天水連線」消費3月8日爆炸案「手足」，話撻暴嘅網民組織「燕子生命 十年抗爭支援」同「天水連線」連掙都未掙過個「手足」，就喺個「手足」以至其家人唔知情嘅情況下代佢收生日信，跟手仲叫人捐錢㗎。

有人近日喺「香港前線後援行動」度發帖，鬧爆「燕子生命」同「天水連線」，話佢哋公開講3月8日爆炸案嘅李姓「手足」生日，要收信界「手足」，但由頭到尾該「手足」都完全唔知情，佢家人都完全無被通知過。

「我唔知你地（哋）係（㗎）邊到（度）收風收番（返）黎（㗎）佢幾時生日，但我想講，連（連）掙都未掙過佢既（嘅）你地（哋）無資格為佢收信/生日卡……我相信大家都唔想比（俾）呢班『未被授權』既（嘅）人知道大家想對在囚手足既（嘅）說話……」

佢繼續鬧：「血燕生命（燕子生命）仲叻，叫人網上打字，然後將d（啲）信掉比（畀）區議員就當自己做左（咗）野（嘢），跟手就叫人捐錢，其實最後d（啲）信又係落番（返）去有關議辦同支援組織到（度），咁人地（哋）比（畀）d（啲）信你比×？捐錢比（畀）你地（哋）係行政費定你要食飯？」

「燕子生命」咁樣做都唔係第一次，帖文話佢哋「上次幫另一位手足收生日卡，都無經過任何人同意（家人及本人）」，引致手足既（嘅）家人不滿，最後再三反映佢先收皮，每次都係咁樣拎出名既（嘅）手足黎（㗎）消費，係咪在囚手足坐緊監出唔到聲你就可以用手足名義收錢？」

網民批「天水連線」連監都未掙

佢接住鬧「天水連線」：「你地（哋）都不遑多讓，作為區議員自己本區野（嘢）都未做好，有鼠患你地（哋）唔×理，走黎（㗎）為在囚手足收生日卡。收唔緊要，你連監都未掙過個手足，你憑乜野（嘢）去幫手足收信？……尋（尋）日我哋經議員向佢地（哋）查詢，佢地（哋）聲稱自己有家人既（嘅）授權，但家人表示從未有聽過所謂既（嘅）幫忙，大話佢大話去令自己做既（嘅）野（嘢）合理化，……我哋唔要你再消費3.8被捕同坐緊監既（嘅）佢地（哋）。」

佢強調，唯一獲「手足」認可嘅收信組織係「星火同盟」，「請大家唔好再誤信on×同智障；牛鬼蛇神們拜託同我死開，手足唔需要你地（哋）呢班偽善既（嘅）人！」

「天水連線」其後喺fb發帖認衰，話係「溝通上出現誤會」，「誤以為手足及其家屬已向我們直接授權舉辦收生日卡活動。就此我們決定暫停為該名手足收生日卡，並已刪除所有相關的文章。……天水連線向手足及家屬鄭重致歉，並確保往後在清楚把關每位手足收信意向後，才會為他們收集信件。而現時所收集到的生日卡，將會全數轉交家屬處理。」

帖文又話，「『燕子生命 十年抗爭支援』在事件上『僅提供平台協助收信』，溝通上的問題出於我們身上，我們將會為此負責」云云。

■香港文匯報記者 陳川

## NOW明寸王百羽「置妝」貴過葉劉梁美芬？

網議政

報名參選超級區議會功能界別嘅元朗攞炒派區議員王百羽，被傳媒發現佢向選舉事務處申報嘅開支中竟然用咗92.5萬嘅形象設計方面，唔知擺景定贈慶，NOW新聞台時事節目《政情》喺佢哋嘅facebook專頁，上載咗王百羽同同樣參選立會嘅新民黨主席葉劉淑儀，及經民聯立法會議員梁美芬嘅「置妝」開支，一比之下，後兩者所使嘅連王百羽嘅零頭都有呢。

《政情網上行》fb專頁上載咗王百羽、葉劉淑儀同梁美芬申報用嘅形象方面嘅開支，帖文用「選舉競選」為題，話立法會選舉押後一年，曾經報名參選的人近日陸續提交選舉開支

申報，「小編發現部分候選人慷慨投資在造型及拍照」㗎。

兩人「全餐」比不上王化妝費

仔細一睇幅圖，王百羽用嘅形象設計上嘅開支達到55萬，形象指導就用咗20萬，化妝費10萬；睇吓葉劉淑儀，攝影同化妝用咗5.6萬，梁美芬嘅團隊造型照、專業形象設計及攝影更只係使咗2.6萬。拍埋王百羽度，真係超級級儉㗎，但喺呢個專頁度，啲黃絲就選擇性睇唔到，仲猛咁留言侮辱葉劉淑儀同梁美芬。

網民：去整容都唔使咁貴啦

「政治大嬖判」fb專頁就轉發呢篇圖，話立法會選舉押後一年，曾經報名參選的人近日陸續提交選舉開支

黨。」[Joe K] 就留言話：「個費用唔係化妝，直頭可以去韓國走一轉或者泰國。」[Douyu Hui] 亦質疑：「喂！去整容都唔使咁貴㗎，成個價似裝修舖（舖）頭咁嘅價錢，整到咁出來啊！」[嚴格言] 就話使咁多錢似乎冇咩效果㗎，「係咪整容失敗咗呢？加硅膠、豐薑、收皮，唔係係（就）拉皮……」

「Yue Lin Wai」揶揄王百羽係請咗「星級化妝師」，「時薪一萬起？」[Queenie Pang] 則恥笑：「85萬除咗在生要用，仲包括身後事用嘅：身故後形象設計及遺體化妝……」[Tszon Chan] 就乘機燒埋「612抗爭基金」嗰套：「612都買幾千萬音樂，幾百萬化妝好小事。」

「Popo Chen」則突破盲腸：「用咗85萬形象設計及指導&化妝？真係



■NOW新聞台上載三參選人「置妝」開支。

一個好好搵錢的項目，出數有名。」

「Yiuming Li」亦話：「有錢吾（唔）搵咩！但吾（唔）好嘅（咁）難睇呀，好似急性發錢寒，唉！肉酸！」[Poon Teddy] 直言：「諗住政府錢好嘅，洗定個八月十五（坐監）。」

■香港文匯報記者 陳川